



ՄԻԱՅՅՅԱԼ ՆԱՀԱՆԳՆԵՐԻ ՀԱՅՈՑ ԱՌԱՋՆՈՐԴԱՐԱՆԻ «ԿՈՄԻՏԱՍ» ԵՐԳՉԱԽԵՐԻ 25-ԱՄՅԱԿԸ

Այս տարի մարտին լրանում է ԱՄՆ-ի հայոց առաջնորդարանի՝ «Կոմիտաս» երգչախմբի գոյության 25-ամյակը:

Վեհափառ Հայրապետը այս առթիվ հունվարի 2-ին Իր գրած օրհնաբեր կոնդակի մեջ, որը հրատարակվել է «Էջմիածին» ամսագրի սույն համարում (էջ 6) գեղեցկորեն նշում էր, որ «Մեր սուրբ տաճարներեն դեպի երկինք բարձրացող երգված խոսքը, ամենահարազատ կերպն է աղոթքի: Աղոթքը՝ կրոնական հույզերով թաթավուն խոսքն է մարդուն առ Աստված»:

Արդարև, հայ եկեղեցիներում հավատացյալների հոգևոր-կրոնական դաստիարակության մեջ բարերար և ներգործող ազդեցություն է ունենում հոգևոր երգը՝ դառնալով միաժամանակ ներշնչումի և ոգևորության անսպառ աղբյուր:

Հայ հոգևոր երգը պայծառ ու ճշմարիտ արտահայտությունն է մեր սրբազան նախնիների կրոնական զգացմունքների, երգ, որը ոչ միայն զարգացնում է քրիստոնեական աստվածապաշտությունը ու կրոնական ե-

ռանդը հավատացյալի հոգում, այլ նաև հանդիսավորություն ու վեհություն հաղորդում եկեղեցական պաշտամունքին. «որք զծորանս Հոգւոյն արբին և ընդ ժամանակս ժամանակս երգեցին զեղանակաւոր երգս շարականաց»:

Եվ ահա հոգևոր այդ երգը, կրոնական այդ վեհ երաժշտությունը, իբր աղոթք ու խոսք, հավատացյալին է մատուցվում միշտ մեր եկեղեցիների երգեցիկ խմբերի միջոցով:

Այդ նվիրական ու հոգևոր առաքելության է կոչված նաև ԱՄՆ-ի հայոց առաջնորդարանի «Կոմիտաս» երգչախումբը, որը հիմնվել է 1948 թվականի մարտի 25-ին, «եկեղեցվո անդամ երաժշտասեր անձերու կողմէ»:

«Կոմիտաս» երգչախմբի հիմնադիրներից են եղել Իսահակ Աբրահամյանը, Հովհաննես Հեփշեմ և դոկտ. Արա Պոհապին:

1958 թվականի մարտի 30-ին առաջնորդարանի երգեցիկ խումբը կոչվել է «Կոմիտաս երգչախումբ»՝ վայելելով նաև 1959 թվականի հուլիսից ԱՄՆ-ի հայոց արևելյան

թեմի թեմական խորհրդի և թեմակալ առաջնորդի պաշտոնական հովանավորությունը:

«Կոմիտաս» երգչախմբի «նպատակն է ծառայել անձնվիրաբար ի պայծառություն Հայց. եկեղեցվո կատարելով պատարագներու և զանազան եկեղեցական արարողություններու ներդաշնակ երգեցողությունը և թեմին ծովներուն մեջ ստեղծել խանդավառություն դեպի հայ երգն ու երաժշտությունը»:

«Կոմիտաս» երգչախումբը իր գոյության 25 տարիների ընթացքում երգել ու հնչեցրել է «անմահ Կոմիտասի արական խմբի համար ձայնագրած պատարագը, հոգեկան սփոփանք ու գոհունակություն տալով հավատացյալներուն»:

«Կոմիտաս» երգչախումբը ԱՄՆ-ի հայոց զանազան եկեղեցական համայնքներին կատարած իր այցելությունների առիթով կազմակերպել է մասն հոգևոր երաժշտության համերգ, հայ հավատացյալ ժողովրդի կրո-

նական դաստիարակության և երաժշտական մաշակի ազնվացման համար:

«Կոմիտաս» երգչախումբը, նշում է Հայոց Հայրապետը իր վերոհիշյալ կոնդակում, «արվեստի բարձր մակարդակի հասած խումբ մըն է որ ոչ միայն կմխիթարե մեր հավատացյալ ժողովուրդը աղոթքի Տուններուն մեջ, այլ իր կազմակերպած համերգներով փառք կհյուսե մեր հոգևոր և ազգային երաժշտության, հայ և ալլազգի հասարակությանը լայն խավերու մեջ հԱՄԵՐԻԿԱ»:

Հանուն Հայոց Հայրապետի «Էջմիածին» ամսագրի խմբագրությունը ջերմորեն շնորհավորում է «Կոմիտաս» երգչախմբի 25-ամյակը և բարենախթում նորանոր հաջողություններ, որպեսզի նա իրեն հատուկ նվիրումով և բարձր արվեստով հնչեցնի հայ հոգեվոր երգն ու շարականը ԱՄՆ-ի մեր սուրբ տաճարների գմբեթների ներքո, ինչպես նաև միջազգային բեմերում ի փառս հայ երաժշտական արվեստի:

